

UNTUK EDARAN SEGERA

**MyCC LANCAR RUNDINGAN AWAM SUSULAN PENILAIAN AWAL
PENGECUALIAN BLOK BAGI PERJANJIAN PERKONGSIAN VESEL BERKAITAN
PERKHIDMATAN PELAYARAN TETAP MELALUI PENGANGKUTAN LAUT,**

KUALA LUMPUR, 27 MEI 2025 – Suruhanjaya Persaingan Malaysia (MyCC) hari ini telah menerbitkan penilaian awal mengenai permohonan pengecualian blok bagi perjanjian perkongsian vesel (VSA) berkenaan dengan perkhidmatan pelayaran tetap melalui pengangkutan laut. Ini berikutan perintah pengecualian blok ini akan tamat pada 6 Julai 2025. Penilaian awal yang dijalankan oleh MyCC adalah selaras dengan peruntukan di bawah Akta Persaingan 2010 (AKTA 712).

Setelah melaksanakan penilaian awal bagi pengecualian blok ini, MyCC melancarkan sesi rundingan awam dalam talian untuk tempoh tiga puluh (30) hari bermula 27 Mei hingga 25 Jun 2025. Sesi rundingan awam ini sejajar dengan peruntukan di bawah undang-undang persaingan.

Pihak berkepentingan dan orang ramai adalah dijemput untuk memberikan maklum balas terhadap permohonan pengecualian blok yang terkandung dalam dokumen rundingan awam tersebut. Dalam permohonan pengecualian blok ini, pemohon telah meminta supaya tempoh pengecualian blok VSA dilanjutkan untuk tempoh lima (5) tahun.

“Maklum balas orang awam amat penting dalam proses penilaian kami, dan kami menggalakkan semua pihak berkepentingan memberikan maklum balas secara bertulis berhubung permohonan pengecualian blok VSA ini. Orang ramai yang berminat untuk memberi maklum balas boleh layari laman www.mycc.gov.my atau hubungi kami melalui emel sekretariat ced@mycc.gov.my,” kata Encik Iskandar Ismail, Ketua Pegawai Eksekutif MyCC.

Permohonan pengecualian blok VSA terpakai kepada perkhidmatan pelayaran yang disediakan oleh pengendali kapal dalam pengangkutan laut dan tidak akan termasuk sebarang pengangkutan barang darat yang merupakan sebahagian daripada

**UNTUK SIARAN SEGERA
MEJA BERITA / EKONOMI**

pengangkutan termasuk perkhidmatan yang disediakan oleh penyedia logistik, penghantar, pengendali depot, pemandu lori, pengendali kereta api, penyedia perkhidmatan kemudahan luar dok, dan penyedia perkhidmatan luar dok dan pergudangan, sama ada entiti tersebut bergabung atau tidak dengan pengendali kapal.

Untuk memberikan maklum balas, sila layari pautan berikut:

Tempoh : 27 Mei 2025 – 25 Jun 2025

Pautan : [Maklum Balas Rundingan Awam](#)

Untuk maklumat lanjut, sila layari www.mycc.gov.my.

-tamat-

Untuk pertanyaan media, sila hubungi:

Bahagian Polisi dan Komunikasi

Telefon Bimbit: +6019 269 6037

Emel: pcd@mycc.gov.my

Mengenai Suruhanjaya Persaingan Malaysia (MyCC)

Ditubuhkan pada April 2011 melalui Akta Suruhanjaya Persaingan 2010, Suruhanjaya Persaingan ialah satu badan bebas bertanggungjawab untuk menguatkuasakan Akta Persaingan 2010, yang dilaksanakan untuk melindungi proses persaingan yang seterusnya akan merangsang produktiviti, keusahawanan yang berterusan dan inovasi dalam kalangan perusahaan, lantas mewujudkan pilihan produk atau servis yang lebih banyak kepada pengguna dan kualiti yang lebih baik pada harga yang berpatutan

Akta 712 ini terpakai kepada semua aktiviti perdagangan yang dijalankan di dalam dan di luar Malaysia yang memberi kesan kepada persaingan dalam pasaran Malaysia. Ia menyediakan kerangka pengawalseliaan termasuk kuasa untuk menyiasat, menghakimi, dan mengenakan hukuman kepada pelaku-pelaku yang melanggar undang-undang persaingan.

MyCC telah menyambut ulangtahun yang ke-14 pada 1 April 2025 dan sehingga kini, MyCC telah mengambil tindakan tegas terhadap hampir 270 syarikat berkaitan dengan kartel dan penyalahgunaan kedudukan dominan yang telah dengan jumlah keseluruhan penalti kewangan yang telah dikenakan melebihi RM664 juta. Keutamaan semasa MyCC adalah termasuk meminda Akta untuk memperkenalkan rejim kawalan penggabungan, menumpukan usaha kepada kartel tipuan bida, kartel dalam sektor makanan dan pertanian, serta menangani cabaran yang dihadapi oleh perundangan dan dasar persaingan berikutan ekonomi digital. Untuk maklumat lanjut mengenai MyCC, sila layari laman sesawang www.mycc.gov.my.